

鹽鐵論卷之一

漢 汝南 桓寬 撰

明 雲間 張之象 註

● 本議第一

惟始元六年有詔書使丞相去聲御史與所

舉賢良文學語問民間所疾苦漢書食貨志曰昭帝

即位六年詔郡國舉賢良文學之士問以

民所疾苦教化之要車千秋傳曰武帝疾

立皇子鈞弋夫人男為太子拜大將軍霍
光車騎將軍金日磾御史大夫桑弘羊及
丞相千秋並受遺詔輔道少主武帝崩昭
帝初即位未任聽政政事壹決大將軍光

東京大學
東洋文化研究所所藏
漢籍善本全文影像資料庫

書名 鹽鐵論十二卷 嘉靖三十三年雲間張氏猗蘭堂刊本
撰者 漢 桓寬 撰，明 張之象 注
卷 卷首
內容分類 子- 儒家- 議論經濟- 漢
索書號 子部- 儒家- 10
編號 C4445200

[彩色首頁1](#)

[東洋文化研究所漢籍目錄](#) 編號: C4445200

[東洋文化研究所漢籍目錄所藏漢籍善本全文影像資料庫](#) 索書號: 子部- 儒家- 10

[漢籍善本全文影像資料庫](#) 文本 [鹽鐵論十二卷](#) 嘉靖三十三年雲間張氏猗蘭堂刊本



版權所有: [東京大學](#) [東洋文化研究所](#)

[使用上的注意事項](#)

所究研京東院學化文方東

1147

No.





鹽鐵論序

張子曰余嘗謂文學政事孔門設教判
為兩科要之皆儒者之能事通一無間
者也是故學優乃仕仕優乃學此烏可
以偏業語之哉借所謂文學云者而不
通政事則空言無當殆非達儒之謂矣
余於桓氏鹽鐵論不獨好其文蓋多其



善言政事焉夫君子非患不文也患不
適用耳乃世之策士云者徒騁章句之
學而中無卓見牽合雷同阿徇逢迎多
所顧忌不能一張膽正言吐露忠赤畢
展其志何者大抵以干祿為累得失動
心雖欲抗論不可得已苟如是則上召
天子下負所學是尚可以為士乎夫士

貴立志亦貴養氣志不立則中懦氣不
養則外怯孔子曰三軍可奪帥也匹夫
不可奪志也孟子曰我善養吾浩然之
氣且云說大人則藐之勿視其巍巍然
蓋君子求諸已而已其用其舍其得其
失當自有任其責者於我何與焉孔子
欲行正道東西南北七十說而無所遇

孟子亦奔走齊梁所如不合道之不行
豈孔孟之罪哉然萬世之下六經昭如
七篇具在道賴以傳至今不泯說者謂
夫子賢於堯舜孟子功不在禹下信哉
言也漢興百有餘載敦尚儒術文學賢
良皆誦法孔孟知所自好其議罷鹽鐵
酒權均輸憤切時政貫綜國體至能以

韋布直詆公卿辯難侃侃無少假借不
降其志不餒其氣雖古稱國士何以加
焉當其時雖不見用卒乃賴桓氏采錄
為書遂至不朽後之儒者試取而讀之
不以俗學自困則志意奮揚待問而發
臨文不遜盡言不諱將以堯舜待其君
伊周待其相孔孟待其身又何疑懼之

有如其不遇則從吾所好簞瓢陋巷帶
索鼓琴以詠先王之風不然或搆造一
家之言建不朽之業寄知音於後世亦
可矣詩云優哉游哉聊以卒歲此之謂
也蓋古之人得志則澤加於民不得志
修身見於世達則兼善天下窮則獨善
其身囂囂如也何必枉道求合哉夫一

言之間推見心術窺測至隱若是乎言
之不可不慎也漢武帝時頗多策士後
先奏對各異其說董生一言主正公孫
氏一言主和至觀其終世行業亦以類
判如其所言自此以降則文學賢良茂
陵唐生九江祝生劉子雄魯萬生者聲
稱孝昭之世跡其行事雖不少概見然

深考其說立意較然不詭於道其為孔
孟之徒也必矣往余嘗師事涇野呂公
西玄馬公學儒者言勗余以立志養氣
之說自孔孟求之毋曲學以阿世及指
稱漢代作者此書為最其言治理並可
施設儒者之能事畢在是也嗟乎哲人
既逝雅訓猶存不敢廢墜謹為註釋因

其說如此若鹽鐵終始之詳余別有
序姑藏之山中以俟知者此不具載云
嘉靖癸丑閏三月朔旦雲間張之象序

鹽鐵論目錄

第一卷

本議一

力耕二

通有三

第二卷

錯幣四

禁耕五

復古六

非鞅七

第三卷

晁錯八

刺權九



刺復十

論儒十一

憂邊十二

第四卷

園池十三

輕重十四

未通十五

地廣十六

貧富十七

第五卷

毀學十八

褒賢十九

相刺二十

第六卷

殊路二十一

頌賢二十二

遵道二十三

論誹二十四

孝養二十五

第七卷

刺議二十六

利議二十七

國疾二十八

散不足二十九

救匱三十

鹽鐵鍼石三十一

除狹三十二



第八卷

疾貪三十三

後刑三十四

授時三十五

水旱三十六

崇禮三十七

借胡三十八

第九卷

執務三十九

能言四十

鹽鐵取下四十一

擊之四十二

結和四十三

誅秦四十四

伐功四十五

西域四十六

世務四十七

第十卷

和親四十八

驅役四十九

險固五十

論勇五十一

第十一卷

論功五十二

論鄒五十三

論蓄五十四

刑德五十五

第十二卷

申韓五十六

周秦五十七



詔聖五十八
大論五十九
雜論六十

鹽鐵論目錄終

鹽鐵論卷之一

漢 汝南 桓寬 撰
明 雲間 張之象 註

● 本議第一

惟始元六年有詔書使丞相去聲御史與所

舉賢良文學語問民間所疾苦漢書食貨志曰昭帝

即位六年詔郡國舉賢良文學之士問以

民所疾苦教化之要車千秋傳曰武帝疾

立皇子鉤弋夫人男為太子拜大將軍霍

光車騎將軍金日磾御史大夫桑弘羊及